

四庫全書

子部

欽定四庫全書

子部

御定淵鑑類函卷二百三十二至
四

詳校官內閣學士臣尹壯圖

主事臣祁韻士覆勘

總校官進士臣繆琪

校對官中書臣陸湘

謄錄監生臣李廷對

欽定四庫全書

御定淵鑒類函卷二百三十二

邊塞部三

南蠻總叙

盤瓠種

廩君種

板楯蠻

牂柯

東謝

西趙

南平

充州

獠

夜郎國

滇

邛都

笮都

冉駹

哀牢

六詔

苗

西爨

東爨

昆彌國

緬甸附國

南蠻總叙

原杜氏通典曰南蠻在唐虞與之要質故曰要服夏商之時漸為邊患暨周黨衆彌盛故詩曰蠢爾蠻荆大邦

為讎楚武王時蠻與羅子共敗楚師殺其將屈瑕楚師
後振遂屬於楚及吳起相悼王南并蠻越遂有洞庭蒼
梧之地秦昭王使將伐楚略取蠻夷置黔中郡漢興以
後時有寇盜其西南諸夷夜郎之屬悉平定置郡縣公
孫述時夜郎大姓為漢保境後漢初從番禺江奉貢光
武建武中武陵蠻帥單程大寇郡縣漢將劉尚戰敗數
歲方平順帝時武陵太守增其租賦蠻又舉種反殺鄉
吏東晉時沔中蠻因劉石亂後漸徙陸渾以南徧滿山

谷宋齊以後荆雍二州各置校尉撫寧之互受南北朝封爵至後魏末暴患滋甚僭稱侯王屯據峽路斷絕行旅周武帝遣陸騰大破之其獠初因蜀李勢亂後自蜀漢山谷出侵擾郡縣至梁時州郡每歲伐獠以為利及後周平梁益自爾遂同華人矣 增文獻通考曰隋置辰州以處蠻唐置錦州溪州巫州叙州皆其地也唐李蠻酋分據其地自署刺史晉天福中馬希範襲父業有湖南溪州刺史彭士然等以溪錦蔣州歸馬氏立銅柱

為界宋建隆四年慕容延釗平湖湘知溪州彭允林刺
史田洪贊等列狀歸順詔仍其官太平興國八年錦溪
叙富四州蠻相率詣辰州願比內郡民輸租稅詔不許
自後首領入貢不絕最大者曰彭氏彭氏世有溪州州
有三曰上中下總二十州皆置刺史而以下溪州刺史
兼都誓主十九州皆隸焉謂之誓下州熙寧初天子方
用兵以威四荒湖北提刑趙鼎言峽州洞酋剝無度
蠻衆願內附屬辰州遂以章惇察訪湖北經制蠻事北

江諸蠻隸辰州在黔之西南阻五溪漢黔中地為羈縻
州三十六而下溪州為大彭氏世居之南江諸蠻自辰
州達於長沙各有溪峒本唐郡縣五代失守諸蠻分據
其地曰叙曰峽曰中勝曰元則舒氏居之曰獎曰錦曰
懿曰晃則田氏居之曰富曰鶴曰保順曰天賜曰古則
向氏居之惇既經制於是南江之舒氏北江之彭氏梅
山之蘇氏誠州之楊氏相繼納土創立城寨使之比內
地為王民置沅誠二州 續文獻通考曰真宗咸平五

年施蠻數擾名問巡檢使侯廷賞對曰蠻無他求惟欲鹽爾因詔夔州路轉運使丁謂與之諸蠻感悅於是與溪州蠻皆歲輸粟易鹽邊粟有三年之積元初置沿邊溪峒招討使司至正初施南叛詔諭降之更為施南道宣慰司廢富州為散毛峒尋又更散毛誓厓為宣撫司以順州為忠建軍置湖南鎮邊宣慰使司置石溪峒長官司於故西高州又改高羅寨為宣撫司其後施州峒蠻叛招降之進州為施南招討司無何明玉珍起蜀盡

據其地明討平之分設宣慰安撫及各長官司焉

南蠻總叙二

增姑射

軒轅

山海經云姑射國在海中屬列姑射西山環之大蠻在海中列姑射在河洲

中軒轅國在此窮山之際其不壽者八百歲

大人

君子

又云大人國為人大坐而削船

君子國其人衣冠帶劍使二大虎在旁其入好讓不爭有薰華草朝生夕死

謹兜

巫咸

又云謹兜其為人面有翼鳥喙方捕魚一曰在畢方東或曰謹朱國巫咸國在女丑北右手操青蛇左手操

赤蛇在登葆山羣

穿胃結胃

僂耳聾耳

又曰貫胃國其為人

巫所從上下也

胃有竅一曰在戴國東結胃國其人結胃郭璞注臆前出如人結喉也異物志云僂耳夷生則鏤其頭皮垂

相連并鑊其耳匡為數行與項相連狀如雞腸下垂有
上食諸以積諸為業山海經云聶耳之國在無腸國東
使兩文虎為人兩手聶其耳郭璞
注云言耳長行則以手攝持之也 一目一臂 三首

三身

山海經云一目國一目中其面而居一臂國一臂
一目一鼻孔有黃馬虎文一目而一手 三首國

為人一身三首在鑿齒東三身

丈夫

女子

又云丈
夫國在

維鳥北其為人衣冠帶劍女子國在巫咸北郭璞注
有黃池婦人入浴出即懷娠矣若生男子三歲輒死

長股長臂

無臂無腸

又云長股之國在雄常北被髮
一曰長腳長臂人身如中人而

臂長二丈以類推之則此人腳過三丈矣黃帝時至又
曰在焦僥東捕魚海中無臂之國在長股東為人無臂
無腸國在深目東其人長而無腸也郭璞注臂肥腸也
其人穴居食土無男女死即埋之其心不朽死百廿歲

仍復更生

跂踵

奇肱

又云跂踵國在拘纓東為人大兩足亦大一曰大踵奇肱之國其人

一臂三目

乘文馬

黑齒國

黃頭人

又云黑齒國為人黑齒郭璞注倭國東四千餘

里有裸國裸國東南有黑齒國船行一年可至也異物志云黃頭人羣相隨行無常居處齒與禽獸同或依

大樹以草披其枝上而庇陰其下爰正

裸形 繡面

黃如帚見漢人散入草終不可得也

南夷志曰裸形蠻在尋傳城西三百里為巢穴謂之野蠻閭羅鳳既定尋傳蠻野蠻散居山谷集戰即召之亦無君長女多男少無田農衣服惟有木皮以蔽形 繡面蠻生一月則刺面青黛塗之如繡狀 厭火

反風

山海經云厭火國獸身黑色生火出其口中一曰在謹朱東 太平御覽曰道書反風之國香

逆風聞千里也

量水川

歐絲野

南夷志曰量水川在滇地南兩日行漢舊黎州地川

中有天池其池水南流出一石竇中水流甚廣石竇甚狹蠻土云此竇忽室空則百姓憂溺山海經云歐絲之野在大踵東一女子跪據樹歐絲三桑無枝在歐絲東其木長百仞無枝郭璞注言噉桑而吐絲蓋蠶類也

蛾國

鮫人

又云有蛾山者有蛾民之國桑姓食黍射蛾是食有人方杆弓射黃蛇名曰蛾

人郭璞注蛾短狐也似鼈含沙射人中之則病死此山出之亦以名云博物志云南海水有鮫人水居如魚

不廢織績其

甘棠

殊柰

唐書曰甘棠國在大海之南貞觀十年與末俱婆國

眼並泣珠

甘棠

殊柰

唐書曰甘棠國在大海之南貞觀十年與末俱婆國

同日朝貢又曰貞觀二年殊柰國遣使貢方物殊柰者崑崙人也

甘棠

殊柰

唐書曰甘棠國在大海之南貞觀十年與末俱婆國

絕遠古未

無論

加陳

南州異物志曰無論國有大

嘗朝中國

無論

加陳

南州異物志曰無論國有大

行其下陰涼蔽熱十餘里一亭皆有井水食麥飯飲蒲桃酒如膠若飲以水和之其味甘美加陳在歌營西

南

折腰 穿鼻

廣志曰折腰濮其俗生子皆折其腰
南夷志曰穿鼻蠻在柘東以徑尺

金環穿鼻中下垂過頤君長即以絲繩繫使人牽起
乃行其次者花頭金釘兩枚從鼻兩邊穿今透下

金齒銀齒

毛民羽民

唐書南蠻傳有黑齒金齒銀齒
三種見人以漆及鏤金銀飾齒

寢食則去之

山海經云毛民國為人身生毛神異經

云八荒之中有毛人焉長七八尺皆人形身軀頭上皆

毛毛如獼猴口吐舌上脣覆面下脣覆胃山海經云羽

民國其人長頭身生羽外國圖曰羽民羽飛不能遠其

人卵產去九

獨錦 長髯

南夷志曰獨錦蠻鳥蠻種
也在秦藏川去安寧兩日

疑四萬里

程其族多姓李異牟尋母即獨錦蠻女也有季負藍貞

元中為大將軍在教弄川為城使又曰長髯揀鋒二

蠻部落髯黑而長當額前為一長髯髯下過臍每行則

以物撐起君長使兩女在前各持一物撐之今為南詔

所并

三苗

百濮

山海經云三苗國在赤水東神異經云西荒中有人爲皆人形而腋下有三

翼不能飛名曰苗民爲人饕淫無禮外國圖曰昔唐以天下授虞舜有苗之君非之苗之民浮黑水入南海是爲三苗氏去九疑三萬三千里左傳糜人率百濮聚于選將伐楚釋例曰建寧郡南有濮夷濮夷無君長各以邑落自聚故稱百濮永昌郡傳雲南郡在建寧南二十五里治雲南縣亦多夷濮分布山野時寇抄爲郡邑害郡西南千百里徼外有尾濮尾若龜尾長四五寸欲坐輒先穿地以安其尾若邂逅誤折其尾便死其地並西南蒲羅蓋尾濮之地名也郭義恭廣志曰木棉濮土有木棉樹多葉又房甚繁房中綿如蠶所作其大如拳又文面濮其俗剗面以青畫之赤口濮在永昌南其俗折其齒剗其脣使赤又露身無衣服黑黻濮在永昌西南山居耐勤苦其衣服婦人一幅爲帟或以貫頭丈夫以穀皮布爲衣其境出白蹄牛馬犀象武魄金桐花布

繡脚

雕題

南夷志曰繡脚蠻於踝上腓下周匝刺為文彩衣以緋布異物志曰雕題國

畫其面及身刻其肌而青之或若錦衣或若魚鱗

交脛

岐舌

山海經曰交脛國在貫胷

東其人交脛岐舌國在不死東其人

沃國

炎人

又云

舌皆岐外國圖曰交脛民長四尺

有沃之國沃民是處鳳皇鳥之卵是食甘露是飲非其欲其味皆存也

博物志云炎人之國其親戚死剝肉

棄之然後埋其骨乃成孝子

盤瓠種

原杜氏通典曰盤瓠種昔帝嚳時患犬戎入寇乃訪募天下有能得犬戎之將軍頭者妻以少女盤瓠銜其將

軍首而至乃以女配之入南山

即五溪之中山

止石穴中其後

滋蔓號曰蠻夷有邑君長名渠帥曰精夫相呼為婁徒

說文曰婁女人自稱婁我也鳥郎切

長沙黔中五溪蠻皆是也

一辰溪二酉溪三巫

溪四武溪五沅溪

秦昭王使白起伐楚略取蠻夷始置黔中郡

漢興改為武陵郡歲令大人輸布一匹小口二丈是謂

賓布

後漢光武建武二十三年十二月武陵蠻精夫

相單程等大寇郡縣遣武威將軍劉尚發南郡長沙武

陵兵萬餘人乘船泝沅水入武溪擊之尚輕敵深入悉

為所沒又遣伏波將軍馬援將兵至臨沅擊破之單程等飢因乞降會援病卒謁者宋均為置吏以司之羣蠻

遂平永和初武陵太守上書以蠻夷率服可比漢人

增其租賦議者皆以為可尚書令虞詡獨奏曰自古聖

王不臣異俗非德不能及威不能加其心貪婪難率以

禮是故羈縻而撫綏之附則受而不逆叛則棄而不追

先帝舊典貢稅多少所由來久矣今猥增之必有怨叛

計其所得不償所費帝不從其冬澧中淩中蠻

澩水出今澧陽

郡縣漢

果攻劫州郡討破之蜀先主章武初吳將李異

音婁

屯巫秭歸

今巴東郡縣秭音子

先主遣將軍吳班攻破之於是武

陵五溪蠻夷相率響應

增桂海虞衡志曰徭本盤瓠

之後其地山溪高深介於巴蜀湖廣間縣亘數千里椎

髻跣足衣斑斕布褐名為徭而實不供征役各自以遠

近為伍兒始生以鐵如其重漬之毒水兒長大鍛其鋼

以製刀終身用之戰則一槍一弩相將而前執槍者前

却不常以衛弩執弩者口銜刀而手射人徭之屬桂林

者興安靈川臨桂義寧古縣諸邑皆迫近山徭最強者
曰羅曼徭麻園徭其餘如黃沙甲石嶺屯褒江贈腳黃
邨赤水藍思巾江疎江定花冷石白面黃意大利小平
灘頭丹江閃江等徭不可勝數山谷間稻田無幾四出
剽掠飄忽往來州縣知則已趕入巢穴分屯路口久成
勞費常以山貨沙版滑石之屬竊與民博鹽米若一切
閉截無所得食且冒死突出為毒滋烈宋乾道九年夏
遣吏經理之悉罷官軍專用邊民籍分為五十團使捍

小寇不待報官徭犯一團諸團鳴鼓應之次告諭近徭
毋得犯法則通其博易之路皆謹然聽命擇果敢吏將
桑江歸順五十二徭深入生徭羅曼等洞尤狼戾素不
賓化者亦以近徭利害諭之悉從乃為置博易場二一
在義寧一在融州之榮溪天子誕節首領得赴屬縣與
犒宴諸徭大悅伍籍遂定保障隱然萬一遠徭弗率必
須先破近徭近徭欲動必須克勝邊團數月諸徭團長
袁臺等數十詣經略司謁謝悉紫袍巾裹橫挺犒以銀

盃綵絕鹽酒又各以誓狀來略云某等既充山職今當
鈴束男姪男行持棒女行把麻任從出入不得生事上
有太陽下有地宿其翻背者生兒成驢生女成豬舉家
滅絕不得翻面說好背面說惡不得偷寒送煖上山同
路下水同船男兒帶刀同一邊一點一齊同殺賊不用
此款者並依山例山例者誅殺也遂以上聞詔許之

廩君種一

原杜氏通典曰廩君種不知何代初巴氏樊氏暉音審氏

相氏鄭氏五姓皆出於武落鍾離山

即今夷陵郡巴山縣

其山有

赤黑二穴巴氏之子生於赤穴四姓之子皆生黑穴未

有君長共立巴氏子務相是為廩君從夷水下至鹽陽

按今夷陵郡巴山縣清江水一名夷水

廩君於是居平夷城四姓皆臣之

巴梁間諸巴皆是也

增後漢書曰漢興南郡太守靳

疆請一依秦時故事至建武二十三年南郡潯山蠻雷

遷等始反叛寇掠百姓遣武威將軍劉尚將萬餘人討

破之徙其種人七千餘口置江夏界中今沔州蠻是也

和帝永元十三年巫蠻許聖等以郡收稅不均懷怨恨
遂屯聚反叛聖等依憑阻隘久不破諸軍乃分道並進
或自巴郡魚復數路攻之大破聖等乞降徙置江夏元
和三年江夏蠻復反寇患累年廬江太守陸康討破之
餘悉降散

廩君種二

增擲劍

浮船

後漢書曰巴氏子四姓子共擲劍石穴約能中者為君巴氏子務相獨中又各

乘土船約能浮者為君餘姓悉沈唯務相獨浮因共立為廩君

穴分赤黑 石並陰

陽上見前荊州圖曰夷陵縣西一獨山有石穴二大石並立穴中相去一丈俗名陰陽石陰石常溫陽石常燥

廩君為白虎

鹽女化飛蟲

後漢書曰廩君死魂魄世為白虎又曰

鹽水有神女謂廩君曰此地廣大魚鹽所出願留共居廩君不許鹽神暮輒來取宿旦即化為蟲與諸蟲羣飛擒蔽日光天地晦冥廩君射殺之

板楯蠻一

原杜氏通典曰板楯蠻秦昭襄王時有白虎於蜀巴漢之境傷害千餘人昭王乃募有能殺虎者賞邑萬家時有巴郡閬中夷廖仲等射殺白虎昭王以其夷人不欲

加封乃刻石盟要復夷人頃田不租十妻不算傷人者

論殺人得以賤錢贖死

何承天纂文曰賤蠻夷贖罪貨也賤徒濫反

盟曰秦

犯夷輸黃龍二雙夷犯秦輸清酒一鍾夷人安之漢

高帝為漢王發夷人還伐三秦秦地既定乃遣還巴中

復其渠帥羅朴督鄂度夕龔七姓不輸租賦餘戶乃歲

入口錢四十巴人呼賦為賓謂之賓人焉世號為板楯

蠻夷閭中有渝水其人多居水左右天性勁勇初為漢

前鋒數陷陣俗喜歌舞高帝命樂人習之所謂巴渝舞

也遂積代服從後漢以後郡守常率以征伐靈帝光和三年巴郡板楯蠻叛靈帝乃問益州計吏方略漢中計程苞對曰板楯七姓以射殺白虎立功先世復為羌人其人勇猛善戰昔安帝永初中羌入漢川郡縣破壞得板楯救之羌死敗殆盡號為神兵桓帝建和二年羌復大入實賴板楯連摧破之前車騎將軍馮緄南征武陵亦倚板楯以成其功近益州郡縣亂太守李顯之亦以板楯討而平之忠功如此本無惡心但長吏鄉亭更賦

至重僕後箠楚過於奴隸含怨呼天叩心窮谷以致叛
戾非有謀主僭號以圖不軌今但遣明能牧守自然安
集不煩征伐也帝從其言遣太守曹謙宣詔赦之即皆
降服 漢末天下亂自巴西之宕渠遷於漢中楊車坂
抄掠行旅號為楊車巴魏武克漢中李特祖將五百家
歸之魏武又遷於略陽北復號為巴氏 其沔中蠻至
晉時北遷陸渾滿於山谷宋時荊州置南蠻校尉雍州
置寧蠻校尉以領之如蠻人順附者一户輸穀數斛

後周明帝時蠻帥冉令賢向五子王等反攻陷白帝武
帝天和初詔開府陸騰討之斬首萬餘級騰乃積其骸
骨於水邏城側為京觀後蠻蠻見者輒大號哭自此狼
戾之心輟矣 信州舊理白帝騰更於蜀先主故城南
八陣之北臨江岸築城移置信州又以巫縣信陵神歸
並是硤中要險於是築城置防以為襟帶焉

板楯蠻二

增射白虎

輸黃龍俱見前

牂柯

原杜氏通典曰牂柯渠帥姓謝氏舊臣中國代為本土
牧守隋末大亂遂絕唐貞觀中遣使脩職貢勝兵戰士
數萬於是列其地為牂州 增文獻通考曰北去兗州
一百五十里東至辰州二千四百里南至交州一千五
百里西至昆明九百里土氣鬱熱多霖雨稻粟再熟無
城郭徭役唯征戰時相屯聚刻木為契風俗物產略與
東謝同

東謝

增舊唐書曰東謝蠻其地在黔州之西三百里南接守
宮獠西連夷子北至蠻土宜五穀不以牛耕但為畚田
每歲易俗無文字刻木為契散在山洞間依樹為層巢
而居汲流以飲皆自營生業無賦稅之事謁見貴人皆
執鞭而拜有功勞者以牛馬銅鼓賞之燕聚則擊銅鼓
吹大角歌舞以為樂好帶刀劍丈夫衣服有衫襖大口
袴右肩上斜束皮帶裝以螺殼虎豹猿狖及犬羊皮以

為飾坐必蹲踞男女椎髻以緋束之後垂向下其首領
謝元深世為酋長謝氏一族法不育女自云高姓不可
下嫁故也貞觀三年元深入朝冠烏熊皮以金銀絡額
身披毛帔韋皮行滕而著履中書侍郎顏師古奏言昔
周武王時天下太平遠國入款周史乃書其事為王會
篇今萬國來朝至如此輩章服實可圖寫請撰為王會
圖從之以其地為應州仍拜元深為刺史領黔州都督
府又有南謝首領謝強與西謝鄰俱來朝見為南壽州

刺史後改為莊州貞元十三年正月西南蕃大酋長繼襲蠻州刺史資陽郡公宋鼎左右大首領邛州刺史謝汕左右大首領繼襲攝蠻州巴江縣令宋萬傳界首子弟大首領牂州錄事參軍謝文經來朝黔中經略招討觀察使王礎奏前件刺史建中三年一朝貢自後更不許隨例入朝今年懇訴稱州接牂柯同被聲教獨此排擯竊自慙耻謹遣隨牂柯等朝貢伏乞特賜優諭兼同牂柯刺史授官其牂柯兩州戶口殷盛人力強大鄰側

諸蕃悉皆敬憚請比兩州每三年一朝貢仍依牂柯輪環差定并以才幹位望為衆推者充

西趙

增舊唐書曰西趙蠻在東謝之南其界東至夷子西至昆明南至西洱河山洞阻深莫知道里南北十八日行東西二十三日行其風俗物產與東謝同首領趙氏世為其長有戶萬餘貞觀三年遣使入朝二十一年以其地置明州以首領趙摩為刺史

南平

增文獻通考曰南平蠻東距智州南屬渝州西接南州
北涪州戶四千餘多瘴癘山有毒草沙蟲蝮蛇人樓居
梯而上名曰干欄婦人橫布二幅穿中貫其首號曰通
繆美髮髻垂於後竹筒三寸斜穿其耳貴者飾以珠璫
俗女多男少婦人任役婚法女先以貨求男其王姓朱
氏號劍荔王又有甯氏世為南平渠帥陳末其帥猛力
為寧越太守陳亡自以與陳叔寶同日而生當代為天

子乃不入朝武德初以寧越鬱林之地降自是交愛諸
州始通其地西南接烏蠻昆明哥蠻大小播州部族數
十居之宋治平中熟夷李光吉梁秀等三族據其地遠
近患之熙寧三年平蕩三族以其地隸涪州建南平軍
以渝州南州涪州隆化隸烏

兗州

增文獻通考曰兗州牂柯別部與牂柯鄰勝兵二萬唐
貞觀中朝貢列其地為兗州開元中牂柯蠻長元齊死

孫嘉藝襲官封其後乃以趙氏為酋長天寶中其裔趙珍裔有戰功閣羅鳳叛宰相楊國忠授珍裔黔中都督屢敗南詔護五溪十餘年天下方亂其部獨寧貞元和以訖開成朝貢不絕

獠一

原杜氏通典曰獠蓋蠻之別種徃代初出自梁益之間自漢中達於邛笮川谷間所在皆有後魏宣武帝正始初梁將夏侯道遷舉漢中附魏宣武帝遣尚書邢巒為

梁益二州刺史以鎮之其後以梁益二州控攝嶮遠乃立巴州以統諸獠後以巴酋帥嚴始欣為刺史又立隆城鎮所管獠二十萬戶所謂北獠也歲輸租布

獠二

增頭飛

鼻飲

博物志云南方有落頭民其頭能飛以耳為翼將曉還復著體西陽雜俎云嶺

南溪洞中往往有飛頭者故有飛頭獠子之號志怪云昔朱垣有一婢其頭夜飛王子年拾遺記漢武時因墀國南方有解形之民能先使頭飛南海左手飛東海右手飛西海至暮頭還肩上兩手遇疾風飄於海外桂海虞衡志曰舊傳獠有飛頭鑿齒鼻飲白衫花面赤

棍之屬二十一種今江西南一帶甚多殆百餘種

郎火

產翁

又曰一邨中推有事力者曰郎火餘但稱火歲首以土杯十二貯水隨辰位布列郎

火禱焉乃集衆往觀若寅有水而卯涸則知正月雨二月旱自以不差南楚新聞南方有獠婦生子便起其

夫卧床褥飲食皆如乳婦稍不衛護其孕婦疾皆生焉又云越俗其妻或誕子經三日便漂身於溪河返其廩

以餉壻壻擁衾抱雛坐於寢榻稱為產翁

獠三

增詩宋歐陽修南獠詩曰洪宋區夏廣恢張際四維狂孽久不聳民物含春熙耆稚適所尚游泳光華時遽然攝提歲南獠掠邊陸子因叩邨叟此事曷如斯初似却

人問未語先涕垂收涕謝客問為客陳始基撫水有上
源水淺山嶮巖生民三千室聚此天一涯狠勇復輕脫
性若鹿與麋男夫不耕鑿刀兵動相隨宜融兩境上殺
人取其貲因斯久久來此寇易為羈鼠竊及蟻聚近裏
焉敢窺勢亦不久住官軍來即馳景德祥符後時移事
亦移四輔哲且善天子仁又慈將軍稱招安兵非羽林
兒龍江一牧拙邏騎材亦非威惠不兼深徒以官力欺
智略仍復短從此難羈縻引兵卸甲嶺部陣自參差鋒

銷殊未接士卒心先離奔走六吏死明知國挫威自茲
賊聲震直寇融州涪縣宇及民廬燬蕩無孑遺利鏃淬
諸毒中膚無藥醫長刀斷人肢橫尸滿路達婦人及孳
產驅負足始歸堂堂過城戍何人敢正窺外計削奏疏
一一聞宸闈赫爾始斯怒選將興王師精甲二萬餘猛
擬如虎貔劍戟凜秋霜新榮閃朝曦八營與七萃豈得
多於茲外統三路進小敵胡能為前驅已壓境後軍猶
未知逶迤至蠻域但見空稻畦搜羅一月餘不戰師自

罷荷戈莫言苦負糧深可悲哀哉都督郵無辜遭屠糜
曉咋計不出還出招安辭半降半來拒蠻意猶狐疑厚
以繒錦贈狙心詐為卑戎帳草草起賊戈躡背揮我聆
老叟言不覺顰雙眉吮毫兼疊簡占作南獠詩願值采
詩官一敷於彤墀

夜郎國一

原杜氏通典曰夜郎國漢時西南夷君長蜀郡徼外東
接交趾西鄰滇國其國鄰牂柯江漢武帝時唐蒙上書

曰竊聞夜郎精兵可得十餘萬浮船牂柯江出不意此制南越奇兵也乃拜蒙為郎中遂見夜郎侯蒙厚賜諭以威德夜郎貪漢繒帛以為漢道險終不能有也且聽蒙約還報乃以為犍為郡發巴蜀卒理道自犍道指牂柯江蜀人司馬相如亦言西夷邛笮可置郡帝使相如往諭皆如南夷為置一都尉十餘縣屬蜀郡元符元年張騫言使大夏時見蜀布邛竹杖問所從來曰從東南身毒國

即天竺也

可數千里得蜀賈人市或聞邛西可二

千里有身毒國於是乃令王然于間出西南夷徃身毒
國至滇道皆為昆明所閉莫能通身毒及南越反上使
發南夷兵且蘭君小邑乃與其衆反漢發巴蜀校尉擊
破之遂平南夷為牂柯郡夜郎侯始倚南越越滅恐懼
遂入朝封為夜郎王 成帝河平中夜郎王興與鉤町
王禹漏卧侯俞漏卧夷邑名後
為縣屬漢牂柯更舉兵相攻牂柯太守
請發兵誅興等漢以道遠不可擊遣太中大夫張匡持
節和解並不從杜欽說王鳳曰張匡和解蠻夷王侯王

侯不從不憚國威其效可見恐議者選與復守和斛太守察動靜有變廼以聞如此則復曠一時王侯得收獵其衆申固其謀黨助衆多各不勝忿必相殄滅自知罪成狂妃守尉遠藏溫暑毒草之地雖有孫吳之將賁育之士若入水火往必焦沒智勇俱亡所設施屯田守備之費不可勝量宜因其罪惡未成未疑國家加誅陰敕旁郡守尉練士馬選任職太守往以秋涼時入誅其王侯尤不軌者即以為不毛之地亡用之人聖主不以勞

中國宜罷郡放棄其人絕其王侯勿復與通如以先帝
所立累代之功不可隳壞亦宜因其萌芽早斷絕之及
已成形然後師興則萬姓被害矣鳳於是薦陳立為牂
柯太守至牂柯乃從吏數十人出行縣召興興將數千
人往立數責因斷興頭出曉其衆皆釋兵降 增舊唐
書曰公孫述時大姓龍傳尹董氏與郡功曹謝暹保境
為漢乃遣使從番禺江奉貢光武嘉之並加褒賞桓帝
時郡人尹珍乃從汝南許慎應奉受經書圖緯學成還

鄉里教授於是南域始有學焉 文獻通考曰唐置費

珍莊琰播郎牂夷等州 宋太平興國五年蕃王龍瓊

据遣其子并諸州蠻以方物名馬來貢太宗召見其使

詢以地理風俗譯對曰地去宜州陸行四十五日土宜

五穀多種杭稻以木弩射麋鹿充食每二三百戶為一

州州有長殺人者不償死出家以贖國有居有城郭無

壁壘官府惟短垣上因令作本國歌舞一人吹瓢笙如

蚊蚋聲良久數十輩連袂宛轉而舞以足頓地為節詢

其曲則名曰水曲其使十數輩從者千餘人皆蓬髮面
目黧黑狀如猿猱使者衣虎皮氎裘以虎尾插首為飾
故事蠻夷入貢雖交趾于闐之屬皆御前殿見之獨此
諸蕃見於後殿蓋卑之也部族數十獨龍方張石羅五
姓最著號五姓蠻其後又有程氏韋氏皆比附五姓故
號西南七蕃云

夜郎國二

增五姓 三郎

上見前 華陽國志曰夜郎縣郡治有
豚水通廣鬱林有竹王三郎祠甚靈響

滇一

原杜氏通典曰滇者漢時在夜郎之西靡莫之屬滇最

大

靡莫西南徼外蠻也滇音顛

始楚頃襄王使將軍莊躋

躋即莊王之苗裔

將兵循江上略巴黔以西躋至滇池方三百里

其澤在西北水

源深廣末更淺狹如倒流故曰滇池

旁平地肥饒數千里以兵威定屬楚

欲歸報會秦擊楚巴黔中郡道塞不通因西以其衆王

滇變服從其俗以長之

後漢初遣使朝謁建武十八

年夷渠帥棟蠡與姑復葉榆桺棟連然滇池建伶昆明

諸種反叛殺長吏遣武威將軍劉尚等發廣漢犍為蜀

人及朱提夷擊之尚軍遂渡瀘水

瀘水一名若水旄牛徼外經朱提至焚道

入江羣夷聞大兵至皆棄壘奔走尚獲其羸弱殺畜斬棟

蠶帥凡首虜萬餘人諸夷悉平。蜀後主建興二年諸

葛孔明率衆南征四郡平之改益州郡為建寧分建寧

永昌為雲南郡又分建寧牂柯為興古郡亮至南中所

戰皆捷孟獲者為夷漢所服募生致之既得使觀於營

陣之間問曰此軍何如獲曰不知虛實故敗定易勝耳

亮縱使更戰七縱七擒而亮猶遣獲獲不去曰公天威也南人不復反矣遂至滇池南中平皆即其渠率而用之或以諫亮亮曰若留外人即留兵兵留即無食一不易也夷新傷破父兄死喪留外人而無兵者必成禍患二不易也又夷素有廢殺之罪自嫌釁重若留外人終不相信三不易也今吾欲使汝不留兵不聚糧而綱紀粗定夷漢相安故耳

增明紀曰亮南征雍閬斬之封其渠龍祐那為部長賜姓張氏漸去山林徙居平地建

城邑務農桑諸部於是始有姓氏隋開皇中為史萬歲所破唐武德貞觀間張氏弱遜位蒙氏號南詔

滇二

增種類非一 習俗不同

明一統志曰雲南諸夷種類非一曰焚人曰爨人即羅羅

有黑白二種曰麼些曰禿老曰步門曰蒲人曰和泥蠻曰百夷又有小百夷曰土僚曰羅舞曰撒摩都曰摩察曰濃人曰山後人曰哀牢人曰峨昌蠻曰解蠻曰魁羅蠻曰傳尋蠻其習俗各不相同

滇三

增詩明楊慎滇海曲曰碧雞金馬古梁州銅柱鐵橋天

際頭試問平滇功第一逢人惟說潁川侯 化城樓閣

壯人寰澤國封疆鎮兩關雲氣開成銀色界天工斲出

點蒼山 沙金海貝出西荒桃竹幢花貢上方香象渡

河來佛子白狼槃木拜夷王 碣房草閣瞰夷庭側島

懸崖控絕陁難足已窮章亥步驚頭空入梵王經 湖

蕩魚蝦晨積場市橋燈火夜交光油窗洞戶吳商肆羅

帕封頤熨婦妝 蘋香波暖泛雲津漁棹樵歌曲水濱

天氣常如二三月花枝不耐四時春 煮海鹽郎暝漉

沙避風估客夜乘槎雲浮杭稻壓春酒霞嚼檳榔呼早
茶海濱龍沛趁春畚江曲魚邛弄晚霞孔雀行穿鸚
鵡樹錦鶯飛啄杜鵑花

邛都一

原杜氏通典曰邛都漢時自滇以北君長十數邛都最

大其外西曰桐師以東北至葉榆

澤名

名為嵩昆明

嵩即今越

嵩郡昆明又在西南諸蠻所居

地方數千里無君長焉但隨畜遷徙無

常其土地平原有稻田俗多遊蕩善謳歌略與牂柯類

邛都二

增溫泉

惡水

華陽國志云邛都縣山出銅有溫泉穴冬夏熱其溫可燂雞豚餘多惡水水神

護之不可污穢及沈亂髮照面則使人被惡疾

魚戴釜游

蛇將木贈

南中郡

志云邛河縱橫二十里深百餘丈多大魚長一二丈頭特大遙視如戴鐵釜狀

李膺益州記云邛都縣一老

姥家貧孤獨每食輒有小蛇在牀間姥憐之飴之後長丈餘今有駿馬蛇吸殺之令遷怒姥蛇為姥報仇每夜輒聞若風若雷方四十里與城一時俱陷土人謂為陷湖唯姥宅無恙漁人采捕必依止宿風靜水清猶見城郭樓櫓土人汲水取得舊木堅貞光黑如漆以為蛇贈

符都

原杜氏通典曰笮都者漢時自越雋以東北君長以十

數徙

徙漢為縣屬蜀郡

笮都最大武帝開以為笮都縣

天漢

四年并蜀為西部置兩都尉一居旄牛主徼外夷一居

青衣主漢人

後漢明帝永平中益州刺史朱輔慷慨

有大略宣示漢德威懷遠夷自汶山以西前代不至正

朔所不加白狼槃木唐敢等百有餘國戶百三十餘萬

舉種奉貢稱為臣僕

和帝永光十二年旄牛徼外白

狼樓薄蠻夷王唐繒等遂率種十七萬戶口內屬

冉駝

原杜氏通典曰冉駝其俗土著或隨畜遷徙在蜀西漢武帝元鼎六年以為汶山郡宣帝地節三年夷人以立郡賦重帝乃省并蜀郡為北部都尉其山有六夷七羌九氏各有部落增文獻通考曰後漢靈帝時復分蜀郡北部為汶山郡蜀後主建興十年汶山平康夷反姜維討破之

哀牢一

原杜氏通典曰哀牢後漢時通焉其先有婦人名沙壹
居於牢山嘗捕魚水中觸沈木若有感因懷妊十月產
男子後沈木化為龍出水男背龍而坐因舐其男之背
其母鳥語謂背為九謂坐為隆因名曰九隆種人皆刻
畫其身象龍文衣皆著尾永昌太守鄭純為政清潔
化行夷人與哀牢夷人約邑豪歲輸布貫頭衣二領鹽
一斛為常賦夷俗安之唐麟德元年五月於昆明之
柁棟川置姚州都督府每年差兵募五百人鎮守武后

神功二年蜀州刺史張柬之上表曰姚州者古哀牢之
舊國本不與中國交通前漢唐蒙開夜郎滇筰而哀牢
不附至光武季年始請內屬漢置永昌郡以統理之稅
其鹽布氈罽以利中土其國西通大秦南通交趾奇珍
進貢歲時不闕及諸葛亮五月渡瀘收其金銀鹽布以
益軍儲使張伯岐選其勁卒以增武備前代置郡其利
頗深今鹽布之稅不供珍奇之貢不入而空竭府庫驅
率平人受役夷蠻肝腦塗地漢以得利既多歷博南山

涉蘭倉水更置博南哀牢二縣蜀人愁怨行者作歌蓋
漢得其利人且怨歌今於國家無絲髮之利在百姓受
終身之酷

哀牢二

增神鹿兩頭

猩猩對泣

後漢書曰雲南縣有神鹿兩頭能食毒草南中志曰猩猩

猩在山谷中百數為羣土人以酒若糟設於路又喜屬
子土人結草為僑數十輒相連結猩猩在山谷見酒及
僑即知張者先祖名字乃呼罵云奴欲張我舍之而去
去而又還相呼試共嘗酒初嘗少許又取僑子著之若
進兩三升便大醉人出收之僑子相連不得去執還內
牢中人欲取者到牢語云猩猩汝可自相推肥者出之

既擇肥竟相對而泣即左思賦云猩猩啼而就禽者也

錦織蘭干之紵布績

桐木之華

後漢書云蘭干細布織成文章如綾錦有梧

云華陽圖志曰蘭干棹言紵也

哀牢三

增詩漢行者歌曰漢德廣開不賓度博南越蘭津度蘭
倉為他人 元袁桷哀牢夷曰哀牢夷蒼山疊翠雲無
梯洱河西傾去無底晴日倒射紅琉璃相傳沈木兒背
坐曾遨嬉築城蜿蜒似龍尾千古顓君乃其始縛繩駕

長橋皮船中蕩搖危顛石樓高百尺子孫生長令漁樵
空林明月手可拾仰飲飛流鬚髮濕寒藤罨徑側足行
飢猿兒啼鼠人立慘澹虛無間鳥道開人寰峨嵋東望
止一髮參旗玉井閃閃上下隨躋攀君不聞木皮岡前
九折坂客行何為車欲返又不聞青溪關上三碣城纍
纍戰骨耕未平輕家許國要有道矍鑠是翁誇不老張
公子當有行繡衣青春照瓊英跨紫燕辭天京朝餐五
粒之松子莫食側生紅入齒從來蠻客尊漢官但飲亡

何端有理南飛雁足何憧憧不能與日隨西東相思望
君日西下去天一握疑有雲氣時相通

六詔一

南詔

蒙雋詔

越析詔

浪穹詔

暹暎詔

施浪詔

增新唐書曰南詔蠻本烏蠻別種姓蒙氏蠻謂王為詔
自言哀牢之後代居蒙舍州為渠帥在漢永昌故郡東
姚州之西其先渠帥有六自號六詔兵力相埒各有君
長無統帥蜀時為諸葛亮所征皆臣服之開元初皮邏
閣立二十六年詔封越國公賜名歸義其後破洱河蠻

以功策授雲南王劍南節度使王昱受歸義賂奏六詔
合為一詔 歸義既并五詔服羣蠻破吐蕃之衆兵日
驕大每入覲朝廷亦加禮異歸義卒詔立子閣羅鳳襲
雲南王閣羅鳳北臣吐蕃吐蕃令閣羅鳳為贊普鍾號
曰東帝給以金印蠻謂弟為鍾閣羅鳳子鳳迦異前死
閣羅鳳立迦異子是為異牟尋頗知書有才智善撫其
衆吐蕃役賦南蠻重數又奪諸蠻險地立城堡歲徵兵
以助鎮防牟尋厭苦之有鄭回者授雋州西瀘縣令雋

州陷為所掠閣羅鳳以回有儒學更名曰蠻利甚愛重之命教鳳迦異及異年尋立又令教其子尋夢湊回久為蠻師凡授學雖年尋夢湊回得筆捷故年尋以下皆嚴憚之蠻謂相為清平官凡置六人年尋以回為清平官事皆咨之回嘗言於年尋曰自昔南詔嘗款附中國中國尚禮義以惠養為務無所求取今棄蕃歸唐無遠戍之勞重稅之困利莫大焉年尋善其言謀內附者十餘年矣會劍南西川節度使韋臯招撫諸蠻年尋乃與

酋長定計凡三輩致書於韋臯各齎生金丹砂為誓三分前韋臯所與牟尋書各持其一為信歲中三使皆至京師且曰牟尋請歸大國永為藩國所獻生金以喻北向之意如金也丹砂示其赤心耳上嘉之乃賜牟尋詔書因命韋臯遣使以觀其情臯遂命巡官崔佐時往是時也吐蕃使數百人先佐時在南詔牟尋悉召諸種落與議歸化或未畢至未敢言密令佐時稱牂柯使衣以牂柯服而入佐時不肯曰我大唐使安得服小夷之

服年尋不得已乃夜迎佐時設位陳燈燭佐時乃大宣
詔書年尋恐吐蕃知顧左右失色而業已歸唐久矣歡
欵流涕皆俯伏受命年尋乃去吐蕃所立帝號私於佐
時請復南詔舊名佐時與盟訖而歸初吐蕃因爭北庭
與回鶻大戰死傷頗衆乃徵兵於年尋年尋既定計欲
因徵兵襲之乃示寡弱謂吐蕃曰蠻軍素少僅可發三
千人吐蕃少之請益至五千乃許年尋遽遣兵五千人
戍吐蕃自將數萬踵其後晝夜兼行乘其無備大破吐

蕃於神川遂斷鐵橋遣使告捷以祠部郎中兼御史中丞袁滋持節冊南詔仍賜牟尋印鑄用黃金以銀為窠文曰貞元冊南詔印 蒙雋詔最大其王雋輔首死無子弟佉陽照立法陽照死子照原立照原子原羅質南詔歸義欲并國使人殺照原逐原羅遂有其地 越析詔或謂磨些詔居故越析州西距曩蔥山一日行貞元中蒙酋張尋求殺其王波衝劍南節度使召尋求至姚州殺之部落無長以地歸南詔波衝兄子于贈持王所

寶鐸鞘東北渡瀘邑於龍怯河纔百里號雙舍閣羅鳳
往擊之于贈投瀘死得鐸鞘故王出軍必雙執之浪
穹詔其王鐸羅望為浪穹州刺史與南詔戰不勝挈其
部保劍川更稱劍浪貞元中南詔擊破劍川徙永昌凡
浪穹遼暎施浪總謂之浪人亦稱三浪 遼暎詔其王
豐咩初據遼暎為御史李知古所殺子咩羅皮自為遼
川州刺史治大釐城歸義襲敗之後入遼暎與浪穹施
浪合拒歸義既戰大敗歸義奪遼暎咩羅皮走保野共

川死顛文託立南詔破劍川徙之永昌 施浪詔其王

施望久居矣苴和城有施各皮者亦八詔之裔據石和
城閣羅鳳攻破之而施望久孤立故與咩羅皮合攻歸
義不勝施望久以族走永昌獻其女遺南詔勾和歸義
許之渡蘭江死弟望千走吐蕃立為詔納之劍川衆數
萬望千死子千傍羅顛立南詔破劍川千傍羅顛走瀘
北三浪悉滅唯千傍羅顛及矣川羅識子孫在吐蕃

續文獻通考曰雲南大理即南詔自蒙氏細奴羅至舜

化貞十有三世立三百十年而為鄭買嗣號曰大長和
鄭氏三傳歷年二十有六而為趙氏趙氏名善政清平
楊于貞滅鄭氏拔善政而立之僅十月于貞又奪之而
為楊氏改國號曰大義寧通海節度使段思平興師問
罪楊氏立僅二年而段氏興焉思平生有異兆楊于貞
忌之使人索捕思平逃匿借兵東方黑蠻三十七部皆
從之既逐楊氏而有蒙國改號大理時後晉天福二年
也宋太祖時王全斌既平蜀欲乘兵威取滇以圖進於

上太祖鑒唐之禍基於南詔以玉斧畫大渡河曰此外非吾有也由是雲南三百年不通中國皇祐中廣西儂智高掠廣州敗走大理狄青募死士往求之會智高死於大理函其首至京師段氏至是始聞於中國傳至連義為其臣楊義貞所篡段氏臣高昇太起東方兵討滅之而立段壽輝傳子正明元豐五年立避位為僧時國人皆歸心高氏遂奉高昇太為主改國號曰大中臨終屬其子太明日段氏不振國人推我不得已從之今其

子已長可還其故物爾後人勿效尤也太明遵其遺言
求段氏餘子正淳立之而段氏復興號曰後理國高氏
世相之人稱為高國主正淳復國以高太明為相太連
為柵主遣太連朝宋求經籍得六十九家傳至興智以
元憲宗元年立壬子呼必賚將兵擊之分為三道進薄
大理興智及高太祥拒戰大敗興智奔善闡太祥就禽
不屈斬於五華樓下時白日當午忽雲起雷震世祖異
之曰忠臣也遂虜興智滅其國段氏自思平至興智二

十二主歷三百五十年元既滅段氏而有其地得五城
八府蠻郡三十有七設大理府仍錄段氏子孫世守其
土赦興智封為摩訶羅嵯管領八方元季亂段氏復據
之於是有十一總管出焉八代段光元大德中梁王以
宗室鎮善闡與段氏分域構隙至大二年梁王大破光
兵光將高蓬守羅那關梁王密詔不從乃賂蓬庖人刺
之至至正十二年九代總管段功既立明玉珍自楚入
蜀分兵四掠號曰紅巾玉珍自將紅巾三萬攻雲南梁

王及憲司官皆奔威楚諸部悉亂功進兵至呂閣敗紅巾於關灘江殺獲千計又大破之於回磴關梁王德功之助乃奏授雲南平章妻以女阿結主功戀戀不肯歸其夫人高氏寄樂府促之歸尋復至善闡梁人私語梁王曰段平章復來有吞金馬咽碧雞之心矣盍早圖之梁王乃密召阿結付以孔雀膽一具令乘便毒之主潛然不受命因私語平章曰我父忌阿奴願與阿奴西歸因出毒具示之三諫終不聽明日邀功東寺演梵至通

濟橋馬逸因令番將格殺之阿結主聞變失聲哭曰昨
暝燭下纔誦與阿奴雲南施宗施秀煙花隕身今日果
然阿奴雖死奴不負信黃泉也欲自盡梁王防衛萬方
主愁憤作詩從官楊淵海亦題詩粉壁飲藥而卒梁王
見詩痛悼乃厚卹之令隨平章轉葬大理改寶功之子
明玉珍復侵善闡梁王遣使借兵大理時寶已長荅書
云殺虎子而還餒其虎母分狙栗而自詐其狙公假途
滅號獻辟吞虞金印玉書乃為釣魚之香餌繡閨淑女

自設掩雉之網羅况平章既亡弟兄罄絕今止遣一嫠
一奴奴再贅華黎氏嫠又可配阿結妃如此事諾我必
借大兵如其不可待金馬山換作點蒼山昆明池改作
西洱河時來矣書後附以詩梁王見之恨寶入骨平章
女僧努志恒不忘復仇將適建昌阿黎氏出手刺繡文
旗以屬寶曰我自束髮聞母稱父冤恨非男子不能報
此旗所以識也今歸夫家收合東兵飛檄西洱汝急應
兵會善闡又作詩二章後寶聞明太祖開基金陵遣其

叔段真自會川入京奉表歸款悉屬版章因改大理路
為大理府比於中州列郡

六詔二

增山川備五嶽四瀆之稱 官爵列九爽三託之號續文

獻通考曰以國界內點蒼山為中嶽東州界江雲露松
外龍山為東嶽在今錄勸州一名絳雲露山一名雲龍
山有十二峰皆峭拔其山有名鳥穴銀生部日界蒙落
山為南嶽在今者樂甸又名無量山其山千仞有一殿
搖柱自空中來天帝取天女處永昌騰越界高黎共山
為西嶽在今騰衝一名崑崙隅東臨濃江西臨龍川左
右有平川名為穹甸草卉四時不凋瘴氣最惡冬雪至
春方融夏秋穹甸炎威商賈愁怨謠曰冬時欲歸來高

黎共上雪秋夏欲歸來無柰穹甸熱春時欲歸來囊中
貨糧絕麗江界玉龍山為北嶽在今麗江一名聳雪山
其山九峰雪貫四時玉立萬仞千里望之若在咫尺與
蜀松州諸山相接以黑惠江瀾滄江路麗江為四瀆
立官號曰
九爽三託
摘桃剖青昔之文
徵夢決夫天之兆又

楊子貞使人索捕思平逃匿飢摘野桃剖之核膚有文
曰青昔思平拆之曰青乃十二月昔乃廿一日今楊氏
政亂吾當以是日舉義乎遂借兵東方黑蠻松蠻三十
七部皆助之眾至河尾是夕思平夢人斬其首又夢玉
餅耳鼓又夢鏡破懼不敢進兵其軍師董迦羅曰三夢
皆吉兆也公為大夫去首為天子兆也玉餅去耳
為王者兆也鏡中有影如人有敵鏡破則無影無影
則無敵矣思平乃決明旦引兵逐楊氏而有蒙國遂改
國號曰
大理

六詔三

增樂府元大理夫人高氏寄夫詞曰風卷殘雲九霄冉
冉逐龍池無偶水雲一片綠寂寞倚屏幃春雨紛紛促
蜀錦半牀閒鴛鴦獨自宿好語我將軍只恐樂極生悲
冤鬼哭

增詩玉谿編事曰南詔以十二月十六日謂之星回節
日遊於避風臺命清平官賦詩驃信詩曰避風善闡臺
極目見藤越鄰國之名也悲哉古與今依然煙與月自我居

震旦

謂天子為震旦

翊衛類夔契伊昔今皇運艱難仰忠烈不

覺歲云暮感極星回節元昶

謂朕曰元謂卿曰昶

同一心子孫堪

貽厥

清平官趙叔達曰

謂詞臣為清平官

法駕避星回波羅

毘勇猜

波羅虎也毘勇野馬也驃信昔年幸此曾射野馬并虎

河闊水難合地暖

梅先開下令俚柔洽

俚柔百姓也

獻琛弄棟國名來願將不才

質千載侍遊臺

續文獻通考曰阿結主愁憤詩曰吾

家住在雁門深一片閒雲到滇海心懸明月照青天青

天不語今三載欲隨明月到蒼山誤我一生蹋裏彩

錦名

被吐嚕吐嚕段阿奴吐嚕可惜也施宗施秀同好歹歹不好也雲

片波潏不見人押不蘆花顏色改押不蘆乃北方起死回生草名肉屏

獨坐細思量肉屏駝背也西山鐵立霜瀟灑鐵立松林也平章

從官員外楊淵海詩曰半紙功名百戰身不堪今日總

紅塵死生自古皆由命禍福于今豈怨人蝴蝶夢殘滇

海月杜鵑啼破點蒼春哀憐永謫雲南土錦酒休教灑

淚頻平章女僧努詩曰珊瑚勾我出香閨滿目潸然

淚濕衣冰鑑銀臺前長大金枝玉葉不芳菲烏飛兔走

頻來往桂馥梅馨不暫移惆悵同胞未忍別應知銜恨
點蒼低 又曰何彼穠穠花自紅歸車獨別洱江東鴻
臺燕苑難經目風刺霜刀易塞胷雲舊山高連水遠月
新春疊與秋重淚珠恰似通宵雨千里關河幾處逢

苗一

增續文獻通考曰苗古三苗之裔也自長沙沅辰以南
盡夜郎之境多有之與民夷混襍通曰南蠻其種甚夥
散處山間聚而成邨曰寨其人有名無姓有族屬無君

長近省界為熟苗輸租服役稍同良家至年則官司籍其戶口息耗登於天府不與是籍者謂之生苗生苗多而熟苗寡其俗各以其黨自相沿襲大抵悞忤猜禍睚眦之隙遂至殺人被殺之家舉族為讐必報當而後已否則親戚亦助之即抗到不悔諺云苗家讐九世休言其不可遽解也其在金筑者有克孟牯羊二種擇懸崖鑿竅而居不設茵席構竹梯上下高者百仞耕不輓犁以錢鑄發土耰而不耘男女躡坐而偶免乳而歸其聘

財在獨山為九名九姓苗狙詐而饕餮以元日為把忌
閉門不出二七而解犯之者以為不祥在平樂為紫姜
苗嗜殺尤甚得仇人即生啗其肉夫死其妻嫁而後葬
曰喪有主矣在葛彰葛商為短裯苗以花布橫揜及髀
在牂牁間為八番子其俗勞女而逸男以虎馬日為市
夜卧必圍爐厝火不施衾枕燕會擊長腰鼓為樂以十
月望日為歲首莫不擇日以夜靜出之云不忍使其親
知也在陳蒙爛土為黑苗又為天苗緝木葉以為上服

女子甫十歲即構竹樓野外處之以號淫者人死不葬以藤蔓束之樹間諸苗所居必深山僻谷生而不見外事故其俗不移無公家更賦之給故其民惰慢土無薑果蔬菜蟲蟻食物常足故皆啜窳偷生而無積聚不通文字絕先王禮義之教雖得其人亦不可使

苗二

增種類非一

習俗各異

明一統志云貴州所轄夷人種類非一曰羅羅曰宋家曰

蔡家曰仲家曰龍家曰曾竹龍家曰打牙花佬曰紅花佬曰花佬曰東苗曰西苗曰紫姜苗曰賣爺苗習俗

各異 占雞骨以吉凶

聞鵲聲而號泣

續文獻通考云卜以雞骨視其

豐以斷吉凶又曰親死不哭笑舞號泣謂之開尸明年聞杜鵑聲則比屋號泣曰烏猶歲至親不復矣

西爨 東爨一

原杜氏通典曰西爨者南寧之渠帥梁時通烏自云本河東安邑人七葉祖事晉為南寧太守屬中原亂遂王蠻夷梁元帝時南寧州刺史徐文威徵詣荊州有爨瓚者遂據南寧之地 增文獻通考曰自曲州靖州西南昆州曲輒晉寧喻獻安寧距龍和城謂之西爨白蠻自

彌鹿升麻二川南至步頭謂之東爨烏蠻土多駿馬犀
象明珠爨瓚子震翫隋開皇初遣使朝貢命韋世沖以
兵戍之置恭州協州昆州未幾叛史萬歲擊之唐高祖
即位以其子弘達為昆州刺史太宗遣將擊西爨開青
蛉弄棟為縣弘達死以爨歸王為南寧州都督襲殺東
爨首領蓋聘有兩爨大鬼主崇道者與弟日進居安寧
城左俄而崇道殺日進及歸王於是諸爨亂崇道俄亦
被殺諸爨稍離弱閣羅鳳以兵脅西爨徙戶二十餘萬

於永昌城東爨以言語不通各散依林谷得不徙自曲靖州至龍和皆殘於兵日進等子孫居永昌城烏蠻種復振徙居西爨故地與絳州為鄰

西爨 東爨二

增烏白蠻

東西爨

並見前

昆彌國一

原杜氏通典曰昆彌國一曰昆明西南夷也在爨之西洱河為界即葉榆河其俗略同突厥相傳與匈奴本兄

弟國也 增文獻通考曰漢武帝得其地入益州部其

後復絕諸葛亮定南中亦所不至武德四年雋治中吉
弘使南寧因至其國諭之遣使朝貢貞觀十九年石武
侯將軍梁建方討蠻降其部落七十二戶九千三百咸
亨三年昆明十四姓率戶二萬內附析其地為殷州總
州敦州以安輯之殷州居戎州西北總州居西南敦州
居南遠不過五百餘里近三百里其後又置盤麻等四
十一州皆以首領為刺史

昆彌國二

增郡開越雋

池號昆明

漢書雋昆明師古曰雋即今之雋州也昆明又在其西南

即今之南寧州諸蠻所居是其地也地理志云越雋郡武帝元鼎六年開又漢書云初漢欲求身毒國為昆明夷所閉昆明有滇池方三百里曰滇河漢將伐昆明作昆明池以習水戰

好桑蠶 宜黍

稷永昌郡傳曰越雋郡在建寧西北千七百里沿江都縣自建寧高山相連至川中平地東西南北八千餘里郡特好桑蠶宜黍稷麻麥稻粱

緬一

增續文獻通考曰緬國為西南夷不知何種其地接大

理去成都，不遠東至木邦，南至南海，西至戛里，北至隴川，有江頭太公馬來安正國蒲甘。緬王五城元世祖至元十九年，擊緬至二十年，克江頭太公二城，西南夷十二部俱降。大德元年，封的立普哇拿阿廸提牙為緬國王，賜之銀印。子信合八的為緬國世子，錫以虎符，戒邊將毋擅興兵甲。後于蒲甘緬王城置邦牙等處宣慰使司，明洪武二十九年始歸附，立緬甸軍民宣慰使等司。

緬二

增樹頭取酒

石縫出油

明一統志云樹頭梭高五六丈結實大如掌土人納麴罐

中以索懸罐於實下封其實流汁以為酒名曰樹頭酒或不用麴惟取汁熬為白糖其葉即貝葉寫緬書用之石油自石縫流出臭惡而色黑可搽毒瘡

附國

增文獻通考曰附國隋代通焉在蜀郡西北二千餘里即漢之西夷也有嘉良夷即其東部所居種自相率領不能統一土俗與附國同言語少殊其人並無姓氏其地南北八百里東西四千五百里土高燥氣候涼多風

少雨山出金銀多白雉水有嘉魚大業四年其王遣子弟宜林率嘉良夷六十人朝貢嘉良有水闊六七十丈附國水闊百餘丈並南流用皮為舟而濟附國南有薄緣夷風俗亦同有女國其水東北連山縣數千里接党項及諸羌

御定淵鑒類函卷二百三十二

欽定四庫全書

御定淵鑑類函卷二百三十三

邊塞部四

五嶺蠻總叙
占城婆利

海南諸國總叙

林邑

陀洹

訶陵

墮和羅

墮婆登

多蔑

多摩長

狼牙脩

于陀利

扶南

頓遜

毗騫

火山

赤土

扶南諸小國

五嶺蠻總敘

原杜氏通典曰五嶺之南漲海之北三代以前是為荒服秦平天下開置南海等三郡秦亂趙佗據有其地傳

五代九十三歲至漢武建元中伏波將軍路博德滅之
分為儋耳等九郡其珠崖郡在海洲上大率數歲一反
元帝初元中納賈捐之議罷之後漢光武建武中交趾
女子徵側反略有六十餘城伏波將軍馬援討平之桓
靈以後蠻獠又據象郡象林縣遂為林邑國矣其餘郡
縣歷代雖時有反亂州郡兵旋平定之極南之人雕題
交趾其俗男女同川而浴題額也雕謂刻其肌以丹青
涅之交趾謂足大指開闊並
立相其西有噉人國生首子輒解而食之謂之宜弟味
交

旨則以遺其君君喜而賞其父娶妻妾美則讓其兄烏
潁人是也交趾之南有越裳國周公居攝六年天下和
平越裳以重譯而獻白雉周德既衰於是稍絕及楚子
稱霸朝貢百越秦始皇平天下開嶺外置南海桂林象
郡至胡亥時南海尉任囂病且死召南海龍川令真定
人趙佗語曰中國擾亂未知所安番禺負山險阻南北
東西數千里可以為國郡中長吏無足與言故召公告
之即被佗書行南海尉事也被加 囂死佗即絕秦所開新

道聚兵自守秦已滅佗即擊并桂林象郡自立為南越
武王漢已定天下為中國勞苦故釋佗不誅遣陸賈立
佗為南越王高后時佗乃自稱為南越武帝發兵攻長
沙邊邑敗數縣而去以兵威財物賂遺閩越西甌駱越
役屬焉東西萬餘里南北數千里及孝文帝初立鎮撫
天下乃為佗親冢在真定置守邑歲時奉祠召其從昆
季尊官厚賜寵之詔陸賈使往諭之賈至南越王上書
謝願為蕃臣奉職貢至武帝建元四年佗孫胡時閩越

王郢興兵擊南越邊胡使人上書曰兩越俱為蕃臣臣
無得擅興兵相攻擊今東越擅侵臣臣不敢興兵惟天
子詔之於是天子多南越義守職約為遣兩將軍往討
閩越淮南王安上書諫曰夫越方外之地劓髮文身之
人也越人劓髮古劓字也劓與翦同不可以冠帶之國法度理也自三
代之盛胡越不與受正朔非強不能服威不能制也以
為不居之地不牧之人不足以煩中國也自漢初定以
來七十二年吳越人相攻擊者不可勝數然天子未嘗

舉兵而入其地也臣聞越非有城郭邑里也處谿谷之間篁竹之中習於水鬪便於用舟地深昧而多水險中國之人不知其勢阻而入其地雖百不當其一得其地不可郡縣攻之不可暴取也以地圖察其山川要塞相去不過數寸之間而數百千里阻險林叢弗能盡著視之若易行之甚難今自攻擊而陛下以兵救之是反以中國而勞蠻夷也且越人愚戇輕薄負約反覆其不用天子之法度非一日一不奉詔舉兵誅之臣恐此後兵

革無時得息也臣聞道路言越閩王弟甲弑而殺之

者甲

閩王弟之名

甲以誅死其人未有所屬陛下若欲來內處之

中國使重臣臨存以招致之此必攜老扶幼以歸聖德
若陛下無所用之則繼其絕世存其亡國建其王侯此
必委質為藩臣代供貢職陛下以方寸之印丈二之組
不勞一卒不頓一戟

頓音鈍

而威德並行帝不從兵未踰

嶺閩越王弟餘善殺郢以降於是罷兵後至孫興立其
母太后本中國人勸王及幸臣上書請比內諸侯三歲

一朝其相呂嘉不欲遂反攻殺太后盡殺漢使者立胡
長男建德為王發兵守要害處於是令越人及江淮以
南樓船十萬師往討之元鼎五年秋衛尉路博德為伏
波將軍自桂陽下匯水主爵都尉楊僕為樓船將軍出
章郡下橫浦故歸義越侯二人故越人為戈船下瀨將
降為侯

軍

瀨水流沙上也伍子胥有戈
船以載干戈因謂之戈船

出零陵或下離水或抵

蒼梧使馳義侯

越人名遺

因巴蜀罪人發夜郎兵下牂牁江

咸會番禺元鼎六年冬樓船將軍將精兵先陷尋陘破

石門得越船粟因推而前挫越鋒伏波將軍將罪人道
遠後期與樓船會乃有千餘人遂俱進樓船居前至番

禺建德嘉皆城守樓船自擇便處居東南面伏波居西

北面會暮樓船攻敗越人縱火燒城越素聞伏波暮不

知其兵多少伏波乃遣使招降者賜印綬復縱令相招

樓船力攻燒敵反驅而入伏波營中遲明城中皆降伏

波呂嘉建德以夜與其屬數百人亡入海伏波遣人追

以故其校司馬蘇弘得建德越郎都稽

越中所署郎

得嘉戈

船下瀨將軍兵及馳義侯所發夜郎兵未下南越已平

遂以其地為儋耳珠崖南海蒼梧鬱林合浦交趾九真

日南九郡

交趾則今安南也

置交趾刺史領之自佗王後凡五

世九十三歲而亡珠崖儋耳二郡在海洲上東西千里

南北五百里武帝末珠崖太守會稽孫幸調廣幅布獻

之蠻不堪役遂攻郡殺幸幸子豹合率善人還復破之

自領郡事討擊餘黨連年乃平豹遣使封還印綬上書

言狀制詔即以豹為珠崖太守威政大行獻命歲至中

國貪其珍賂漸相侵侮故率數歲一反元帝初珠崖數
反賈誼孫捐之上書請不擊遂罷之凡二郡六十五城
凡交趾所統雖置郡縣而言語各異重譯乃通人如禽
獸長幼無別項髮徒跣為髮於項上以布貫頭而著之後徙

中國罪人使雜居其間乃稍知言語漸見禮化光武中
興錫光為交趾任延守九真於是教其耕稼制為冠履
初設法令始知姻娶建立學校導之禮義建武十六年
交趾女子徵側及其妹徵貳反攻郡徵側者麓冷縣左

將之女也

麋音米

嫁為朱鳶人詩索妻甚雄勇交趾太守

蘇定以法繩之側忿故反於是九真日南合浦蠻俚皆

應之凡略六十五城自立為王交趾刺史及諸太守僅

得自守十八年遣伏波將軍馬援樓船將軍段志發長

沙桂陽零陵蒼梧兵萬餘人討之明年夏四月援破交

趾斬徵側徵貳等餘皆降散進擊九真賊都陽等破降

之徙其渠帥三百餘口於零陵嶺表悉平章帝元和初

日南徼外蠻夷究不事人

蠻夷別號

邑豪獻生犀白雉永光

中日南象林蠻二千餘人寇掠百姓於是置象林將兵
長史以防其患順帝永和二年日南象林徼外蠻夷區
憐等數千人攻象林縣燒城寺殺長吏州郡并力討之
不利帝召公卿百官及四府掾屬

太尉司馬司空大將軍府

問其方

略皆議遣荆揚充荆河四萬兵赴之大將軍從事中郎
李固駁曰若荆揚無事發之可也今二州盜賊盤結不
散而復擾動必更生患又兖州荆河之人遠赴萬里詔
書迫切必致叛亡軍行三十里為程而去日南九千餘

里三百日乃到計人廩五升

古升小故曰五升

用米六十萬斛

不計將吏驢馬之食但負甲自致費便若此九真日南相去千里發其吏人猶尚不堪何況四州之卒以赴萬里之艱哉前中郎將尹就討益州叛羌益州諺曰虜來尚可尹來殺我後就徵還以兵付刺史張喬因其將吏旬月之間破殄寇逆此發將無益之效州郡可任之驗也宜更選有勇略仁惠任將帥者以為刺史太守悉使往止交趾府下今日南兵單無穀守則不足戰又不能

可一切徙其吏人北依交趾事靜之後乃令歸本還募蠻夷使自相攻有能反間致頭首者許以封爵錫土之賞故并州刺史長沙祝良性多勇決又南陽張喬前在益州有破賊之功皆可任用昔文帝就加魏尚為雲中哀帝即拜龔舍為太山宜即拜良等便道之官於是拜祝良為九真太守張喬為交趾刺史喬良至單車入賊地設方略招以威信嶺外復平其後屢為反叛州郡兵討降之至靈帝建寧三年鬱林太守谷永以恩信招降

烏許人十餘萬內屬皆受冠帶開置七縣然自漢以後
列置州縣獠俗難理率數歲一亂終不足為大患

海南諸國總叙

原杜氏通典曰海南諸國漢時通焉大抵在交州南及
西南居大海中洲上相去或五百三百里五千三千里
遠者二三萬里乘舶舉帆道里不可詳知外國諸書雖
言里數又非定實也其西與諸胡國接元鼎中遣伏波
將軍路博德開百越置日南郡其徼外諸國自武帝以

來皆獻貢後漢桓帝時大秦天竺皆由此道遣使貢獻
及吳孫權遣宣化從事朱應中郎康泰使諸國其所經
及傳聞則有百數十國因立記傳晉代通中國者蓋甚
及宋齊至者有十餘國自梁武隋煬諸國使至踰於前
代唐貞觀以後聲教遠被自古未通者重譯而至又多
於梁隋焉其無異聞亦不復更記

林邑一

原杜氏通典曰林邑國秦象郡林邑縣地漢為象林縣

屬日南郡古越裳之界也在交趾南海行三千里其地

縱橫可六百里去日南界四百餘里其南水步道二千

餘里有西屠夷亦稱王馬援所植兩銅柱表漢界處

也

馬援北還留十餘戶於銅柱處至隋有三百餘戶悉姓馬土人以為流寓號曰馬流人銅柱尋沒馬流人

常識其處林邑國記馬援樹兩銅柱於象林南界與西屠國分漢之南境又云銅柱山周十里形如倚蓋西跨

重巖東臨大海屈璆道里記後漢末大亂縣功曹姓區

有子曰連殺縣令自號為王

後王無嗣外孫范逸代立

晉武太康中

來貢獻成帝咸康二年范逸死奴文篡位奴文昔嘗北

至洛陽商貨因教王作宮室兵車器械王愛信之後為
將乃譖王諸子或徙或奔及王死無嗣遂自立為王乃
攻旁國并之有衆四五萬至穆帝永和三年文率其衆
攻陷日南還據其地告交州刺史朱蕃求以日南北鄙
橫山為界初徼外諸國嘗齎寶物自海路來貿貨賄而
交州刺史日南太守多貪利侵侮十折二三由是諸國
怨憤且林邑少田故貪日南之地文又襲九真害士庶
十八九文死子佛立猶屯日南九真太守灌遂率兵討

佛走之遂追至林邑時五月立表日在表北影在表南
九寸一分自北影之南故開北戶以向日此大較也隋
文帝既平陳後遣大將軍劉方步騎萬餘人擊之其王
梵志率其徒乘象而戰方多掘小坑草覆其上因以兵
挑之梵志悉衆而陣方偽北走梵志逐之其象多陷轉
相驚駭軍遂亂方縱兵擊大破之遂棄城而走方入其
都獲其廟主十八枚皆鑄金為之蓋其有國十八葉矣
增明一統志曰唐貞觀中其王頭黎獻方物子鎮龍

嗣為摩訶慢多伽獨所弑范氏遂絕國人立頭黎之姑
子諸葛地更號環王唐元和初入寇驩愛等州安南都
護張丹擊破之遂棄林邑徙國於占因號占城

林邑二

增結遼解語

珠火能焚

唐書林邑傳云有結遼鳥能解人語又曰貞觀四年其王

范頭黎遣使獻火珠大如雞卵圓白皎潔光能照數尺狀如水精正午向日蒸之即火焚

螢火飛

金 鱧魚化鐵

南史林邑傳曰其國有金山石皆赤色其中生金金夜則出飛狀如螢火又

曰范文本日南西卷縣夷帥范幼家奴常牧牛於山澗得鱧魚化為鐵因以鑄刀刀成文向日咒曰若砍石破

者文當王此國因為砍石如斷芻藁文心異之

唐昭陵圖頭黎之形 李百

藥獻鸚鵡之賦

唐書林邑傳云頭黎死子范鎮龍代立太宗遺詔於陵所刊石圖頭黎之形於

元闕之前 又曰貞觀五年獻五色鸚鵡太宗異之詔太子右庶子李百藥為之賦

占城一

增宋史曰占城國在中國之西南東至海西至雲南南至真臘北至驩州其地東西七百里南北三千里南曰施備州西曰上源州北曰烏里州所統大小州三十八不盈三萬家其國無城郭土地所出箋沉香檳榔烏桕

木蘇木白藤黃蠟吉貝花布絲絞布白氈布藤簞貝多
葉簞金銀鐵錠等物民獲犀象皆輸於王其王腦後髮
髮散披吉貝衣戴金花冠七寶裝纓絡為飾胷股皆露
躡草履無鞵婦人亦腦後撮髻無笄梳其服及拜揖與
男子同王每日午坐禪椅官屬謁見膜拜一而止白事
畢復膜拜一而退或出遊看象采獵觀魚皆數日方還
近則乘軟布兜遠則乘象或乘一木杠四人舁之先令
一人持檳榔盤前導從者十餘輩各執弓箭刀槍手牌

等其民望之膜拜其風俗正月一日牽象周行所居之地然後驅逐出郭謂之逐邪四月有遊船之戲定十一月十五日為冬至人皆相賀每年十二月十五日城外縛木為塔王及人民以衣物香藥置塔上焚之以祭天地不產茶亦不知醞釀之法止飲椰子酒兼食檳榔明一統志曰周顯德中其王釋利因德漫遣其臣莆訶散來貢宋乾德中其王悉利因陀盤遣使因陀玢等貢方物自是間歲或數歲一貢淳熙中襲破真臘慶元中

真臘大舉復讎俘殺幾盡更立真臘人以主之元至元
間其主孛由補刺者吾內附遣使貢方物後其補的遂
負固勿服屢遣重兵臨之又數遣使招諭乍臣乍叛終
無通志明洪武初其主阿荅阿者首遣其臣虎都蠻來
朝貢方物詔遣中書省管勾甘桓等封為占城國王自
是朝貢不絕

占城二

增殺牛祭鬼

驅象逐邪

宋史占城傳曰國有山牛不任耕耨但殺以祭鬼將殺令

巫祝之曰阿羅和及拔譯
云早教他託生下見前

四月遊船

季冬縛塔

見

前

薇水香衣

火油熾水

宋史曰有薔薇水漉衣經
歲香不歇猛火油得水愈

熾二者皆貯
以琉璃餅

石名菩薩

書用貝多

又云有雲龍形
通犀帶菩薩石

表章書於貝多
葉以香木函盛之

占城三

增表宋占城國王楊普俱毗茶室禹曰臣聞二帝封疆
南止屆於湘楚三王境界北不及於幽燕仰矚昌時實
邁往迹伏惟皇帝陛下乾坤授氣日月儲英出震居尊

承基御極慈悲敷於天下聲教被於域中業茂前王功
徂后世蒼生是念黃屋非心無方不是生靈有土並為
臣妾真風徧布霈澤周行凡沐照臨共增聳抃臣生於
邊鄙幸襲華風蟻蛭蠹房聊為遂性龍樓鳳閣尚阻觀
光再念自假天威獲全封部鄰無侵奪俗有舒蘇每歲
拜遣下臣問寧上國蒙陛下恩霑行葦福及豚魚特因
迴人頒賜戎器臣本王惟望闕焚香歡呼拜受心知多
幸曷答洪恩聖君既念於賓王微懇肯忘於述職今遣

專信臣某等遠充歲貢雖表楚茅之禮實懷魯酒之憂
虔望睿明俯寬譴戮某等迴日軍容器仗耀武之物伏
願重加賜賚益念忝為臣子合告君親服飾車輿威儀
斧鉞不敢私制惟望恩頒干冒冕旒不任死罪

婆利

增舊唐書曰婆利國在林邑東南海中洲上其地延袤
數千里自交州南渡海經林邑扶南赤土丹丹數國乃
至焉其人皆黑色穿耳附璫王姓刹利耶伽名護路那

婆世有其位王戴花冠形如皮弁裝以真珠瓔珞身坐
金牀侍女有金花寶鏤之飾或持白旄拂孔雀扇行則
駕象鳴金擊鼓吹蠡為樂男子皆拳髮被吉貝布橫幅
以繞腰風氣暑熱恒如中國盛夏穀一歲再熟有吉貝
草緝其花以作布麤者名吉貝細者名白氎 文獻通
考曰婆利古未嘗通中國問其先年數不計自言白淨
王夫人即其國女梁天監十六年遣使奉表獻金席等
普通三年復遣使貢獻其國有舍利鳥通人言隋大業

唐貞觀中俱遣使朝貢其東即羅刹也

羅刹

增文獻通考曰羅刹國其人極陋朱髮黑身獸牙鷹爪
與林邑人作市輒以夜晝則掩其面隋大業三年遣使
常駿等使赤土國至羅刹

丹丹

增文獻通考曰丹丹在振州東南王姓刹利名尸陵伽
每晨夕二時臨朝其大臣八人號曰八座並以婆羅門

為之王以香粉塗面冠通天冠挂雜寶瓔珞衣朝霞履
皮屨近則乘輿遠則馭象攻伐則吹蠡擊鼓兼有幡旗
梁中大通二年其王遣使奉表送象牙及畫塔二驅火
齊珠吉貝香藥大同元年復遣使獻金銀琉璃雜寶香
藥等物唐總章時又獻方物

盤盤

增舊唐書曰盤盤國在林邑西南海曲中北與林邑隔
小海自交州船行四十日乃至其國與狼牙脩國為鄰

人皆學羅婆門甚敬佛法 又曰僧尼讀佛經皆食肉而不飲酒道士不食肉國不甚重俗皆呼僧為比丘呼道士為貪宋元嘉孝建大明中及梁中大通元年四年六年隋大業中俱遣使朝貢唐貞觀九年來貢永徽中獻鸚鵡

陀洹

增舊唐書曰陀洹國在林邑西南大海中東南與墮和羅接去交趾三月餘日行賓服於墮和羅其王姓察失

利字婆未婆那土無蠶桑以白氎朝霞布為衣俗皆樓居謂之千欄貞觀十八年遣使來朝二十一年又遣使獻白鸚鵡及婆律膏仍請馬及銅鐘詔并給之

訶陵

增舊唐書曰訶陵國在南方海中洲上居東與婆利西與墮婆登北與真臘接南臨大海豎木為城作大屋重閣以椶櫚皮覆之王坐其中象牙為牀食不用箸以手而撮亦有文字頗識時歷俗以椰樹花為酒其樹生花

長三尺餘割之取汁以成酒味甘飲之亦醉貞觀十四年大歷三年皆遣使朝貢元和八年遣使獻僧祇僮五人鸚鵡頻伽鳥并異種名寶以其使李訶內為果毅訶內請廻授其弟詔褒而從之十三年遣使獻僧祇女二人鸚鵡玳瑁及生犀等新唐書曰其國別有毒人與同止宿即令身瘡若涎液霑著草木即枯其人死身不爛不臭

墮和羅

增舊唐書曰墮和羅國南與盤盤北與伽羅舍佛東與
真臘接西鄰大海去廣州五月日行貞觀十二年其王
遣使貢方物後又遣使獻象火珠請賜好馬詔許之

墮婆登

增舊唐書曰墮婆登國在林邑南海行二月東與訶陵
西與迷黎車接北界大海風俗與訶陵略同其國種稻
每月一熟亦有文字書之於貝多葉貞觀二十一年其
王遣使獻吉貝象牙白檀太宗璽書報之并賜以雜物

多蔑

增文獻通考曰多蔑國其人短小兄弟共娶一妻婦總髮為角辨夫之多少唐貞觀中通焉在南邊國界周迴可一月行南阻大海西俱遊國北波刺國東真陀桓國戶口極多置三十州不役屬他國有州郭宮殿樓櫓並用瓦木以十二月為歲其俗交易用金銀朝霞等衣服百姓二十而稅一五穀菜蔬與中國不殊

多摩長

增文獻通考曰多摩長國居於海島東與婆鳳西與多
隆南與半支跋華言五山也北與訶陵等國接其國界
東西可一月行南北可二十五日行其王之先龍子也
名骨利骨利得大鳥卵剖之得一女子容色殊妙即以
為妻其王尸羅劬傭伊說即其後也唐顯慶中遣使貢
獻其俗無姓衣物與林邑同勝兵一萬餘人無馬有弓
刀甲稍婚姻無同異姓之別其食器有銅鐵金銀其家
畜有殺羊水牛野獸有麋鹿等其音樂略同天竺有波

那婆宅護遮菴磨石榴等果多甘蔗從其國經薩盧都
思訶盧君那盧林邑等國達於交州

狼牙脩

增文獻通考曰狼牙脩國在南海中北至廣州二萬四
千里土氣物產與扶南略同其俗男女皆袒而被髮以
吉貝為干漫王及貴臣乃加雲霞布覆髀以金繩為絡
金環貫耳其國累埒為城重門樓閣王出乘象有幡旄
旗鼓罩白蓋兵衛甚嚴國人說立國以來四百餘年後

嗣衰弱王族有賢者國人歸向之王聞乃加囚執其鎖
無故自斷王以為神不敢害乃遂出境遂奔天竺天竺
妻以長女俄而狼牙王死大臣迎還為王子婆伽達多
立梁天監十四年遣使奉表

于陀利

增文獻通考曰于陀利國在南海洲上俗與林邑扶南
略同出斑布吉貝檳榔特精好為諸國之極宋孝武世
王釋婆羅那鄰陀遣長史竺留弛獻金銀寶器梁天監

元年其王瞿曇修跋陀羅以四月八日夢一僧曰中國
今有聖王十年之後佛法大興汝若遣使供奉禮敬則
土地豐樂商旅百倍若不信我則境土不得自安初未
之信既又夢此僧曰汝若不信我當與汝往觀乃於夢
中至中國拜觀天子既覺心異之陀羅本工畫乃寫夢
中所見武帝容質飾以丹青遣使並畫工奉表獻玉盤
等物使人既至摹寫帝形以還其國比本畫則符同焉
因盛以寶函日加禮敬後跋陀死子毗針邪跋摩立十

七年遣長史毗負跋摩奉表獻金芙蓉雜香藥等普通
元年復遣獻方物

扶南一

原杜氏通典曰扶南國在日南郡之南海西大島中去
日南可七千里在林邑西南三千餘里其境廣袤三千
餘里其先有女人為王號曰柳葉年少壯健有似男子
其南有激國人名混填來伐柳葉降之遂以為妻惡其
裸露形體乃穿疊布貫其首理其國至王混盤況死國

人立其大將范師蔓為王蔓勇健有權略以兵威伐旁國咸服屬之自號扶南大王開地五六千里蔓死國亂大將范尋自立為王是吳晉時也其後王姓矯陳如本天竺婆羅門也有神語曰應王扶南矯陳如南至盤盤扶南人聞之迎而立焉復改制度用天竺法 增文獻通考曰宋齊梁並獻方物隋時其國王姓古龍諸國多姓古龍訊耆老言崑崙無姓氏乃崑崙之訛隋代遣使貢獻唐武德後頻來貢貞觀中又獻白頭國二人於洛

陽其國在扶南之西在參半之西南男女生皆素首身
又疑白居易山洞之中四面巖險故人莫至與參半國相
接

扶南二

增沸環燒鎖以斷罪 養魚圈獸以沒刑

齊書曰無牢獄有訟者則

以金指環若雞子投沸湯中令探又燒鎖令赤著手上
捧行七步有罪者手皆焦爛無罪者不傷南史曰於
城溝中養鰐魚門外圈猛獸有罪以餵猛獸及鰐魚
獸不食為無罪三日乃放之鰐魚大者長三丈餘狀如
鼉有四足喙長六七尺兩邊有齒利如刀劍常食魚
遇得麋鹿及人亦噉之蒼梧以南及外國皆有之

頓遜

增南史曰頓遜國梁時聞焉在海崎上地方千里城去海十里有五王並羈屬扶南頓遜之東界通交州諸賈人其西界接天竺安息徼外諸國往還交易其市東西交會日有萬餘人珍物寶貨無不有又有酒似安石榴采其花汁停甕中數日成酒出藿香插枝便生葉都梁以裏衣國有區撥等花十餘種冬夏不衰其花燥更芬馥亦末為粉以傅身焉

毗騫

增南史曰毗騫國梁時聞焉在頓遜之外大海洲中去扶南八千里傳其王身長丈二頭長三尺自古不死莫知其年王神聖國中人善惡及將來事王皆知之是以無敢欺者南方號曰長頸王國俗有室屋衣服噉粳米其人言語小異扶南有山出金金露生石上無央限也國法刑人並於王前噉其肉國內不受估客有往者亦殺而噉之是以商旅不敢至王常樓居不血食不事鬼

神其子孫生死如常人唯王不死扶南王數使與書相
報答常遺扶南王純金五十人食器形如圓盤又如瓦
塶名為多羅受五升又如碗者受一升王亦能作天竺
書可三千言說其宿命所由與佛經相似並論善事

火山

增文獻通考曰火山隋時聞焉國中山皆有火雖雨不
息火中有白鼠扶南土俗云火洲在馬五洲之東可千
餘里春月霖雨雨止則火災洲上林木得雨則皮黑得

火則皮白諸左右洲人以春月取其木皮績以為布或作燈炷布若小穢投之火中使潔又有加營國北諸薄國西山周三百里從四月火生正月火滅火然則草木葉落如中國寒時人以三月至此山取木皮績為火浣布

赤土

增隋書曰赤土國扶南之別種也在南海中土色多赤因以為號東波羅刺國西婆羅娑國南訶羅旦國北距

大海地方數千里其王姓瞿曇氏名利富多塞稱其父
釋王位出家為道傳位於利富多塞在位十六年矣有
三妻並鄰國女居僧祇城有門三重相去各百許步每
門圖畫菩薩飛仙之象又四婦人容飾如佛塔金剛力
士之狀夾門而立門外者持兵仗門內者持白拂夾道
垂素網綴花王宮諸屋悉是重閣北面坐三重之榻衣
朝霞布冠金花冠垂襍寶瓔珞王榻後作一木龕以金
銀五香木襍鈿之懸一金光燄夾榻樹二金鏡前陳金

甕各有金香爐當前置一金伏牛前樹寶蓋左右皆有
寶扇婆羅門等數百人東西重行相向而坐其俗皆穿
耳翦髮無跪拜之禮以香油塗身敬佛尤重婆羅門婦
人作髻於頂後男女通以朝霞朝雲襍色布為衣豪富
之室恣意華靡唯金鑲非王賜不得服用每婚姻擇吉
日女家先期五日作樂飲酒父執女手以授壻七日乃
配既娶即分財別居惟幼子與父居父母兄弟死則別
髮素服就水上構竹木為棚棚內積薪以尸置上燒香

建幡吹蠡擊鼓以送縱火焚薪遂落於水中貴賤皆同
唯國王燒訖收灰貯以金罍藏於廟屋冬夏常濕雨多
霽少種植無時特宜稻稭白豆黑麻自餘物產多同於
交趾以甘蔗作酒襍以紫瓜根酒色黃赤味亦香美亦
名椰漿為酒隋煬帝嗣位募能通絕域者大業三年屯
田主事常駿等請使赤土帝遣齋物五千段以賜赤土
王十月駿等自南海郡乘舟晝夜二旬每日遇便風至
焦石山而過東南詣陵伽鉢拔多洲西與林邑相對上

有神祠焉又南行至師子石自是島嶼連接又行二三日西望見狼牙須國之山於是南達雞籠島至於赤土之界其王遣婆羅門鳩摩羅以舶三十艘來迎吹蠡擊鼓以樂隋使進金鑠以纜船月餘至其都王遣人送金盤貯香花并鏡鑷金合二枚貯香油金餅八枚貯香水白疊布四條以擬供使者盥洗又將象二頭持孔雀蓋以迎使人并致金盤金花以藉詔函男女百人奏蠡鼓婆羅門二人導路至王宮駿等奉詔書上閣王以下皆

坐宣詔訖引駿等坐奏天竺樂事畢駿等還館又遣婆
羅門就館送食因謂駿曰今是大國臣非復赤土國矣
後數日請駿等入宴儀衛導從如初王前設兩牀牀上
並設草葉盤方一丈五尺上有黃白紫赤四色之餅牛
羊魚鼈豬瑇瑁之肉百餘品延駿升牀從者於地席各
以金鍾置酒女樂迭奏禮遺甚厚遣那邪迦隨貢方物
并獻金芙蓉冠龍腦香以鑄金為多羅葉隱起成文以
為表金函封之令婆羅門以香花奏蠡鼓而送之既入

海見綠魚羣飛水上浮海十餘日至林邑東南並山而行其海水色黃氣腥舟行一日不絕云是大魚糞也循海北岸達於交趾駿以六年春與那邪迦於弘農謁帝帝大悅授駿等秉義尉那邪迦等官賞各有差

扶南諸小國

蒲羅中國

優鉢國

橫跌國

比壚國

馬五州

薄歎州

耽蘭州
斯調國

巨延洲
林陽國

濱那專國

烏文國

增太平御覽曰吳時康泰為中郎表上扶南土俗曰東行極崎頭海邊有居人人皆有尾五六寸名蒲羅中國

其俗食人 優鉢國者在天竺之東南可五千里國土

熾盛城郭珍玩謠俗與扶南同 橫跌國在優鉢之東

南城郭饒樂不及優鉢也 諸薄之東南有比攄洲出

錫賣與外徼 諸薄之東有馬五洲出雞舌香樹木多

華少實 諸薄之西北有薄歎洲土地出金常以采金

為業轉賣與諸賈人易糧米襍物 諸薄之西北有耽

蘭之洲出鐵 諸薄之東北有巨延州人民無田種芋

浮船海中截大蚶螺杯往扶南 濱那專國出驥

都田切

馬及金俗民皆有衣被結髮也 烏文國昔混滇初載
賈人大舶入海所成此國 斯調洲灣中有自然鹽累
如細石子國人取之一車輸王餘自入 扶南之西南
有林陽國去扶南七千里土地奉佛有數千沙門持戒
大齋日魚肉不得入國一日再市朝市諸襍米甘果石
蜜暮中但香花

御定淵鑑類函卷二百三十三